



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

§. VI. Censura aliorum.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

**SPECULUM SPIRITUALE.**  
 22.  
 2.  
 Cura salutem proximi

his quæ ipse malè agis, accusa graviter teipsum.

2. Nullo modo arbitreris, proximi tui salutem nihil ad te pertinere: tu enim (etiam si non præsis) eam libenter & sedulò promovere debes. Offer igitur preces Deo pro peccatoribus, & cunctis prodesse coneris: ita enim eximiam gratiam apud Deum promeraberis.

3. *Quomodo correptionem fraternam adhibenda.*  
 Ex zelo etiam justitiæ divini-que honoris exerce correptionem fraternam, uti congruum fuerit. Peccatis aliorum numquam consentias, neque cuiquam aduleris. Si irasceris ut peccantem corrigas aut castiges, irascere sine felle, sine odio. Sic persequere peccatum in homine, ut tamen propter peccatum quod homo commisit, non oderis hominem quem Deus fecit. Odio habe culpam, non naturam. Si enim odisti hominem, perditus es, quia extra charitatem vivis: & non poteris salutem consequi: nisi deposito odio sanctam dilectionem resumas. Nam, ut Joannes Apostolus ait:

1. Ioan. 3. *Qui non diligit, manet in morte.*  
 Omnino talis manet in morte: quia charitas vita animæ est, & Deus charitas est. Sicut vis Deum in te esse benignum & clementem, ita tu quoque in alios sis benignus ac clemens.

4. *Sic tamè ut teipsum tuosq; defectus respicias.*  
 Si diligenter consideraveris, quàm ipse vitiis defectibusque tam animi quàm corporis aliquando abundaveris, vel adhuc abundes, & quàm longè ab sis à purita-

te, sanctitate, ac fidelitate quam Deo tuo debes; nimirum onera & imperfectionem aliorum æquanimiter supportabis, uti discretio & æquitas admitret. Confitere te in causa esse, propter vitiosam vel negligentem vitam tuam, quòd alii parum in spiritu proficiunt, & crebrò Deum offendunt.

§. VI. CENSURA ALIORUM.

Facta & dicta aliorum in bonam partem (quantum fieri potest) interpretare. Non leviter de aliis malè cogites. Quando incidunt in cor tuum sinistrae & absurdæ suspiciones de aliquo, mox etiam excidant: tu eas prætervolare sine. Et quamvis aliquando fortè timeas ne diabolus hominem seducat, nève malum in homine lateat: non tamen certò credas latere malum, si id omnino tibi certum non est. Ad hunc modum abstine à temerariis judiciis; nec sis ineptè curiosus ut aliorum defectus observes, sed tuos defectus attende, ac teipsum judica.

Non improbè te ingeras his quæ tibi commissa non sunt: quin potiùs talia in statu & ordine suo dimitte. Sint bona, bona: mala verò facilè non judices, sed judicanda Deo relinquant, qui corda hominum clarissimè videt, & perfectè cognoscit quidquid malè sit. Is qui vult se negotiis quibuslibet immiscere, omniaque loquaciter reprehendere & dijudicare, procul abest à vera sui cognitione;

1. *Temerè de alio m. judicet, aut suspicietis malum.*

2. *Ea nec. res, qua ad te nihil attinent.*

3. *Abstinere a uerimoniis apud omnes.*

ne, veraque pectoris pace ac puritate, & necdum initia vitæ spiritualis attigit.

Consueſce vivere absque multis querimoniis. Si libet sæpius conqueri, conquerere Deo, vel beatæ Mariæ Virgini, aut aliis Sanctis; exponens illis humiliter ac placidè ea quæ te premunt & pravant.

#### CAPUT IV.

*Amoris, Delectationis, Vestis, Refectionis, Lingue, Sensuum, Gestuum, Cogitationum ordinatio & custodia.*

##### §. I. AMOR INORDINATVS CREATVRARVM.

1. Non inhære rebus creatis, quia fluxa sunt & fragiles.
2. Vitandum ergo eis dumtaxat ad honestum solatium, non abutendum ad peruersam voluptasem.
3. Præsertim amputandus amor inordinatus personarum etiam sanctarum, quia periculosus valde.
4. Idè omnem amorem tuum à creaturâ ad solum Christum transfero.

##### §. II. CARNALES DELECTATIONES CONTEMNENDÆ.

1. Etiam istis, quibus licitè uti possis, parcissimè tamen uti expediat.
2. Intra cancellos nimirum naturalis officii atq; honestatis.

##### §. III. APPARATVS MODERATVS VESTIVM ET SVPPELLECTILIS.

1. Quare mediocritatem in rebus externis.

##### §. IV. CORPORALIS REFECTIO-NIS MODVS.

1. Voracitas, lautitia, murmuratio de eibis appostis, dedecet hominem spirituali vitæ addictum.
2. Pia meditatio, aut sacra lectio inter comedendum assumenda.
3. Quod excessu peccaveris, emenda per humilem à Deo veniam postulationem.
4. In corpore propter Deum refocillando concessa laudatâq; mediocritas.

##### §. V. DISCIPLINA LINGVÆ.

1. Sermo sit gravis, sine ineptia aut lascivia,

2. Sine aliorum offensa aut censura;
3. Verax etiam, & ab omni falsi specie alienus;
4. Sermo lascivus & detractorius, aut asperè corripendus, aut deorsù amputandus, aut cum signo displicenti audiendus.

##### §. VI. SENSIVM CVSTODIA.

*Vtere sensibus tuis ex recta ratione.*

##### §. VII. MORES AC GESTVS.

*Placidi sint & maturi gestus ac mores.*

##### §. VIII. COGITATIONVM NORMA.

1. Puritas eorum magno studio curanda.
2. Vilitas, brevitatis, deformitas libidinosa voluptatis.
3. Remedia contra cogitationes carnales.

##### §. I. AMOR CREATURARVM.

FREQUENTER memoria repetere Christianum te esse, non tam propter præsentem quàm propter futuram vitam; & terrenis caducisque rebus despectis, transfer cor tuum ad cælestia atque æterna. Tam nobiliter condita est anima tua, ut eam totus iste mundus satiare nequeat. Res transitoria, bona infima nunquam te satiabunt; sed solus Deus, qui est summum & perenne bonum, satiabit te. Quod quidem plenè tunc tibi contingit, quando in cælum receptus, videbis Deum sicuti est. Hic in terra non nisi miserum exilium est, & hiems aspera: in cælo vera patria est, & ætas amœnissima. Vita ista, quàm libet longa sit, æternitati comparata, quàm brevis est! Vix momentum temporis dici debet. Quàm citò transcurrunt, avolant & decidunt ea quæ in hoc mundo sunt! Si inhæseris fluxis, deflues cum eis. Inhære Deo, qui stabiliter manet, & nunquam defluit. Quid, obsecro, tibi pro-